



Reykjavík 4.4.2018

Landlæknisembættið,
Barónsstíg 47, 101 Reykjavík.

Velferðarráðuneytið,
b.t. Guðrún W. Jensdóttir, lögfræðingur,
Skógarhlíð 6, 105 Reykjavík,

Varðandi: Viðurkenningu á hæfi barna- og unglिंगageðdeildar kvenna- og barnasviðs á Landspítala til að bjóða sérnám í barna- og unglिंगageðlæknisfræði.

Með tilvísan í 7., 8. og 15. gr. reglugerðar nr. 467/2015 um menntun, réttindi og skyldur lækna og skilyrði þess að hljóta almennt lækningaleyfi og sérfræðileyfi, svo og til starfsreglna nefndarinnar sem staðfestar voru af heilbrigðisráðherra 28. júní 2016, vill mats- og hæfisnefndin tilkynna að á fundi nefndarinnar þann 19.12. 2017 var ákveðið að viðurkenna með formlegum hætti sérnám í barna- og unglिंगageðlæknisfræði sem gæti farið fram á barna- og unglिंगageðdeild kvenna- og barnasviðs og tengdum deildum Landspítalans. Nefndin skal samkvæmt ákvæðum reglugerðarinnar meta hæfi heilbrigðisstofnunar eða deildar heilbrigðisstofnunar til að öðlast viðurkenningu sem kennslustofnun fyrir slíkt sérfræðinám.

Ákvörðunin var tekin með hliðsjón af endurskoðaðri marklýsingu sem byggir á alþjóðlegum leiðbeiningum um sérnám í barna- og unglिंगageðlækningum og tekur mið af fyrirkomulagi sérnámsins í geðlækningum á geðdeild Landspítala og tilhögun sérnáms í öðrum löndum svo sem á Norðurlöndum, í Bretlandi, Frakklandi og Bandaríkjunum. UEMS (Union Européenne des Médecins Spécialistes) hefur viðurkennt staðla fyrir sérnám sem byggir á þessum leiðbeiningum innan Evrópu. Fulltrúar barna- og unglिंगageðdeildarinnar og sérgreinafélags íslenskra barna- og unglिंगageðlækna (BGFÍ, Barnageðlæknafélags Íslands) skiluðu marklýsingunni í endanlegu formi til mats- og hæfisnefndar þann 23.11. sl. eftir endurskoðanir og yfirferð mats- og hæfisnefndar í júní og október 2017. Námið hófst með formlegum hætti í haust, og marklýsingin er meðfylgjandi.

Mats- og hæfisnefndin hefur rætt við forsvarsmenn og kennslustjóra námsins og fengið umsagnir formanns sérgreinafélags barna- og unglिंगageðlækna, framkvæmdastjóra lækninga á Landspítalanum, forstöðumanna fræðasviðanna í barnalæknisfræði og geðsjúkdómafræði við Læknadeild Háskóla Íslands og umsögn Embættis Landlæknis, með tilvísan í 3. mgr., 15. gr. reglugerðar nr. 467/2015 (bárust í janúar,

febrúar og apríl 2018). Þá heimsóttu tveir fulltrúar nefndarinnar barna- og unglingageðdeild Landspítalans þann 24.11. 2017 og ræddu námsferlið og aðstæður á barna- og unglingageðdeild Landspítalans við forsvarsmenn námsins þar. Einnig var rætt við tvo fulltrúa sérfræðilækna og þann sérnámslækni sem er við nám þar. Meðfylgjandi lýsing á þeirri úttekt er send Barna- og unglingageðdeildinni, Velferðarráðuneytinu, Landlæknisembættinu og öðrum með beina aðild að náminu til kynningar og er fáanleg hjá nefndinni. Viðmið nefndarinnar vegna matsins taka mið af dönskum og breskum/evrópskum vinnuvenjum og reglum varðandi úttektir á námsstöðum. Í matinu er fjallað um námsaðstæður, þ.m.t. mönnun, umfang og inntak starfseminnar á barna- og unglingageðdeild Landspítalans, vinnufyrirkomulag, faglega fundi, kennslu, námstækifæri og leiðsögn sem námslæknar fá, auk samvinnu við aðrar stofnanir og deildir spítalans og önnur skyld atriði. Athugasemdir frá mats- og hæfisnefnd og umsagnaraðilum hafa verið kynntar forsvarsmönnum námsins.

Nefndin viðurkennir hér með barna- og unglingageðdeild á kvenna- og barnasviði Landspítala sem kennslustofnun í þessari sérgrein læknisfræðinnar. Um getur verið að ræða sérnám að hluta eða fullt sérnám með tilvísan í reglugerð nr. 467/2015. Námið er samkvæmt 8. gr. reglugerðarinnar á ábyrgð framkvæmdastjóra lækninga á Landspítala. Viðurkenningin tekur ekki til náms í undirsérgreinum barna- og unglingageðlækninga. Æskilegt er að hluti náms fari fram á öðrum viðurkenndum stofnunum innanlands eða erlendis samkvæmt samningum þar um sem mats- og hæfisnefnd yrði tilkynnt um.

Endurmat þessarar viðurkenningar skal skv. reglugerð 467/2015 fara fram eigi síðar en að fjórum árum liðnum, þ.e.a.s. í desember 2021, en verður væntanlega endurskoðað í desember 2018 – febrúar 2019 með tilliti til matsniðurstaðna.

Yfirlit yfir viðurkenndar heilbrigðisstofnanir og marklýsingar skal með tilvísan í reglugerðina, birta á heimasíðu Embættis Landlæknis.

Virðingarfyllst, f.h. mats- og hæfisnefndarinnar,



Reynir T. Geirsson, próf. em.,

Formaður mats- og hæfisnefndar skv. reglugerð nr. 467/2015.

Afrit:

Ólafur Baldursson, framkvæmdastjóri lækninga, Landspítala

Hrund Scheving Thorsteinsson, deildarstjóri, menntadeild, Landspítala

Linda Kristmundsdóttir, framkvæmdastjóri kvenna- og barnasviðs, Landspítala

Bertrand Lauth, lektor í barna- og unglingageðlæknisfræði, Læknadeild Háskóla Íslands, og sérfræðilæknir/kennslustjóri, Landspítala

Guðrún Bryndís Guðmundsdóttir, yfirlæknir, barna- og unglingageðdeild, Landspítala

Ólafur Ó. Guðmundsson, formaður Barnageðlæknafélags Íslands, sérfræðilæknir

Ásgeir Haraldsson, prófessor, forstöðumaður barnalæknisfræði, Læknadeild Háskóla Íslands

Engilbert Sigurðsson, prófessor, deildarforseti Læknadeildar Háskóla Íslands og forstöðumaður geðlæknisfræði, Læknadeild Háskóla Íslands

Reynir Arngrímsson, formaður, Læknafélagi Íslands